



Höfðaberg

Höfðaberg er 150 barna leikskóli fyrir börn á aldrinum 3 - 5 ára.

Leikskóladeildarnar eru sjö, á Blikabergi og Prastarbergi eru 5 ára börn.

Á Kríubergi, Spóabergi, Lóubergi, Uglubergi og Lundabergi eru 3-4 ára börn.

Aðlögun barna

Aðlögun er alltaf einstaklingsbundin og skipulögð í samstarfi foreldra og deildarstjóra.

Skólinn leggur ákveðnar línur til grundvallar en foreldrar þurfa að ætla sér tæpa viku í aðlögun barna. Ágætt er að gera ráð fyrir að heildaraðlögun barnsins geti tekið lengri tíma eða þar til barnið er orðið öruggt í skólanum.

Á Höfðabergi höfum við eftirfarandi áætlanir til viðmiðunar í aðlögun barna:

Aðlögun 5 ára barna

Börn sem eru nú þegar í leikskólanum og eru að færast yfir á 5 ára deild að hausti fara í reglulegar heimsóknir í maí og júní yfir á 5 ára deildirnar með sínum kennurum. Börnin byrja á 5 ára deild að strax að loknu sumarleyfi.

Aðlögun nýrra barna sem byrja á 5 ára deildum Höfðabergs mæta í skólann samkvæmt áður ákveðinni dagsetningu.

Dagur 1: Heimsókn með foreldri, opið hús milli kl. 9-12.

Dagur 2: Barnið er í skólanum frá kl. 8.30 – 13.00. Foreldrar kveðja í fataklefa.

Dagur 3: Barnið kemur í skólann og getur verið sinn vistunartíma.

Metið í samráði við foreldri ef stytta þarf viðveru tímann.

Aðlögun 3-4 ára barna

Foreldrar fá sendar upplýsingar um hvaða dag aðlögun þeirra barns hefst.

Dagur 1: Barnið kemur í heimsókn með foreldri kl. 9:00-10:30.

Dagur 2: Barnið er í skólanum frá kl. 8:30-11:30. Foreldrar kveðja barnið ef hægt er.

Dagur 3: Barnið mætir í skólann á milli kl. 8.00 og 9.00 og fer heim á milli kl.13.00 og 14.00. Barnið dvelur í skólanum í um 5-6 klukkustundir.

Dagur 4: Barnið kemur í skólann og getur nýtt sinn vistunartíma.



Foreldrasamstarf

Það er mikilvægt að góð samvinna takist strax í byrjun og að gagnkvæmur trúnaður ríki, sem er forsenda þess að barninu líði vel. Ef breytingar verða á aðstæðum eða líðan barns heima eða í skólanum er mikilvægt að koma skilaboðum á milli því oft geta lítil atvik í lífi barns valdið breytingum á hegðun þess. Athugið að allt starfsfólk skólans er bundið þagnarskyldu og þær upplýsingar sem starfsmenn fá um börn eru trúnaðarmál. Þagnarskylda helst þó látið sé af starfi.

Foreldrar barna á Höfðabergi eru í foreldrafélagi Lágafellsskóla. Foreldrafélagið hefur boðið börnum upp á leiksýningu á vorin ásamt því að styðja við leikskólastarfið. Einu sinni á ári fá foreldrar greiðsluseðil í heimabanka (ein greiðsla á hvert heimili) til þess að styðja við starf félagsins.

Daglegt starf

Leikurinn er aðal náms- og þroskaleið leikskólabarna, lögð er áhersla á góðan tíma til leiks í daglegu starfi skólans. Dagskipulagið rammar inn dag leikskólans og gefur festu í daginn og leiðir af sér gott starf.

Starfið með 3 ára

Í starfi 3 ára barna er áhersla lögð á:

- Félagssfærni og samskipti, t.d. með reglunum hennar Bínu, vináttuverkefninu um Blæ bangsa og tilfinninga drekin er kynntur til leiks.
- Markviss málörvun er fléttuð inn í daglegt starf, ásamt námsefninu um Lubba sem finnur málbeinið, tákni og hljóð bókstafanna eru kynnt.
- Kennsluaðferðin *Leikur að læra* er nýtt í leik og starfi.
- Reglulega verður farið í vettvangsferðir þar sem nánasta umhverfi er rannsakað og ýmis verkefni unnin þar sem hugmyndir barnanna fá að njóta sín.
- Þemaverkefni.

Starfið með 4 ára

Í starfi með 4 ára er áhersla lögð á:

- Félagssfærni og samskipti, t.d. með reglunum hennar Bínu, vináttuverkefninu um Blæ bangsa og tilfinninga drekanum.
- Markviss málörvun er fléttuð inn í daglegt starf, ásamt því er farið í námsefnið um Lubba sem finnur málbeinið, áfram er unnið með hljóð bókstafanna og ýmis verkefni.
- Kennsluaðferðin *Leikur að læra* er nýtt í leik og starfi.
- Reglulega verður farið í vettvangsferðir þar sem nánasta umhverfi er rannsakað og ýmis verkefni unnin þar sem hugmyndir barnanna fá að njóta sín.
- Þemaverkefni.



Starfið með 5 ára

- Félagsfærni og samskipti, t.d. með reglum hennar Bínu, vináttuverkefninu um Blæ bangsa og tilfinninga drekanum.
- Markviss málörvun er fléttuð inn í daglegt starf, ásamt því er farið í námsefnið Lubbi finnur málbeinið.
- Kennsluaðferðin *Leikur að læra* er nýtt í leik og starfi.
- Stærðfræði verkefni þar sem áhersla er lögð á að vinna með tölur og talnagildi.
- Reglulega verður farið í vettvangsferðir þar sem nánasta umhverfi er rannsakað og ýmis verkefni unnin þar sem hugmyndir barnanna fá að njóta sín.
- Þemaverkefni.

Upphaf og lok skóladagsins

- Nauðsynlegt er að láta starfsfólk vita þegar komið er með barnið í skólann og að sama skapi þegar barnið er sótt. Ef aðrir en foreldrar sækja barnið í skólann ber að láta starfsfólk vita.
- Aldurstakmark þeirra sem sækja barn á leikskólaaldri í skóla er 12 ára samkvæmt reglum frá Umboðsmanni barna og Mosfellsbæ. Við miðum við að börn sem verða 12 ára á árinu megi sækja yngri börn í skólann.
- Við hvetjum foreldra til að hafa kveðjustundir stuttar, öruggar en fullar af trausti. Ef kveðjustundir verða of langar getur það skapað óöryggi hjá barninu sem veit ekki nákvæmlega hvort mamma eða pabbi ætla að fara eða ekki.
- Foreldrum er þó að sjálfsgöðu velkomið að spjalla við starfsfólk þegar tækifæri gefst.
- Mikilvægt er að foreldrar virði vistunartíma bæði á morgnana og í lok dags.

Hagnýtar upplýsingar

- Heimasíða Höfðabergs <https://hofdaberg.karellen.is/>
- Farið er í útiveru bæði fyrir og eftir hádegi. Börnin þurfa að vera tilbúin til að fara út í hvaða veðri sem er í klæðnaði sem hæfir veðri á hverjum tíma.
- Fara þarf reglulega yfir útifatnað og auka föt og passa að allt sé merkt barninu.
- Æskilegt er að foreldrar komi með fjölnota poka til að taka heim blaut og/eða skítug föt þar sem við bjóðum ekki upp á plastpoka undir slíkt. Mikilvægt er að fara reglulega yfir auka föt til að vera viss um að fötin passi á barnið þegar á þarf að halda.
- Á mánudögum er gott að koma með fatnað fyrir vikuna og setja í hólfi barnsins og tæma fatahólfið föstudögum. Taskan er ekki geymd í skólanum.
- Veikindi ber að tilkynna í skólann, með því að skrá í karellen eða hringja í síma 578-4499.
- Nauðsynlegt er að barnið jafni sig vel af veikindum sínum heima og mæti aftur frískt í skólann svo það geti tekið þátt í allri daglegri starfsemi, jafnt úti sem inni.
- Ef barn er með fæðuofnæmi eða óþol þarf að skila inn vottorði frá lækni.
- Slys og óhöpp geta alltaf átt sér stað. Ef slíkt kemur fyrir, höfum við samband við foreldra svo að unnt sé að fara með barnið til læknis ef þörf krefur.
- Á heimasíðu Mosfellsbæjar www.mos.is má finna upplýsingar um þá þjónustu sem sveitarfélagið veitir í leikskólum. Einnig má finna þar upplýsingar um hvernig breyta má vistunartíma, samþykkja samning o.s.frv.
<https://www.mos.is/thjonusta/menntun-og-born/leikskolar/>



- Mikilvægt er að foreldrar samþykki vistunarsamning áður en barn byrjar á Höfðabergi. Barn getur ekki hafið leikskóladvöl sína ef foreldrar hafa ekki samþykkt samninginn inni á íbúagátt.

Karellen

Á Höfðabergi notum við skráningarforritið Karellen og því er nauðsynlegt fyrir foreldra að hlaða niður Karellen smáforritinu.

Þar skráum við viðveru barnanna, setjum inn myndir og nýtum skilaboðin til samskipta við foreldra.

Við leggjum áherslu á að tími starfsfólks sé nýttur í vinnu með börnum og því nýtum við ekki eiginleika forritsins til fulls t.d. matarskráningar. Gott er að fylgjast með Karellen daglega.

Foreldrar geta skráð leyfi eða veikindi barns beint inn í karellen kerfið.

Foreldrar hafa einnig aðgang að vefsvæði Karellen sem geymir m.a. allar myndir sem teknar eru af barninu í skólanum og foreldrar geta þar hlaðið myndum niður til eignar.

Nánari upplýsingar má finna á www.karellen.is

Með ósk um gott samstarf

Starfsfólk Höfðabergs